

王焱  
編

# 日本漢文學百家集

269



北京燕山出版社



王焱 主編

日本漢文學百家集  
269



北京燕山出版社

第二六九册

三堂集 四卷 澤田眉山著 安政二年 …………… 一

溪琴山房詩 六卷 菊池溪琴著 天保八年 …………… 一三三

海莊集 三卷 菊池溪琴著 嘉永二年 …………… 二八九

三堂集

尾張

澤田眉山著

三堂集

鍊塾藏

題三堂集

君不見金城層樓勢巍然  
凌雲支日聳中天  
百萬民家繞城外  
有似衆星拱北辰  
沃野連亘數十里  
滄溟環抱東南邊  
其間山水韶且秀  
巾車蠟屐足游觀  
自元和偃武定  
封建治化雍熙三百年  
廣土衆民推此地  
它邦誰又得比肩  
中有祿仕逸士  
眉山子陸沈自樂散  
官閑風致瀟洒  
宵磊落一簞之食  
不憂貧數弓占得容  
膝地近與管公古廟  
隣園種梅花愛清節  
曠然曾不染緇塵  
出則游蹤徧丘壑  
居則講學尋

道源芸編滿架古香發鑽仰先聖友羣賢時抽秘思  
行議論下筆纒纒百千言韻語亦能寫性靈溫柔敦  
厚風教存自許丹心炳如日常誦詩人不素餐誰知  
白首栖遲客策得文章華國勲

余曩者通讀三堂韻語全藁擇其菁華加之批圈  
頃日鍊塾門生胥謀將上之本余嘉其舉因書斯  
篇弁于卷首

峒陽干村仲泰書

三堂集卷一

澤田師厚天爵稿

長春園韻語

雲霞出海曙

碧海春濤望渺茫。橫雲一帶襯霞長。太陽將照普天下。先自東方開曙光。

富士山二首

名山表神國。突兀立天中。白日其西落。明月生其東。帝相東海濱。積雪極青天。萬古長不解。鏤成八朶蓮。

元旦汲井華

雞鳴汲深井。水氣特清冷。餅泛早梅香。掌掬殘星影。  
一盥一漱始迎春。胸中亦滌去年塵。琅然試誦盤銘  
語。心自今朝矢日新。

萬峰獨立圖

杖策涉崎嶇。援蘿窮窈窕。峰巒萬疊深。鳥道懸林杪。  
一氣何茫茫。獨立塵世表。吾頭赤日過。吾鬢白雲繞。  
城邑幾點煙。人事徒勞擾。達觀終古今。眼中天下小。  
月下梅

南枝高挺指蟾宮。萬點花明月影中。清馥和烟凝不散。一輪淡暈夜朦朧。

夏晝偶作二首

炎暉欲鑠金。人在洪爐裡。虛室自生涼。開窓讀秋水。散官同致仕。不為利名使。公退閉門眠。臣心正如水。

對酒二首

不是甘沈酒。酒中有妙理。大兒劉伯倫。小兒東皋子。世事隨時變。胡為深慨慷。寄跡醉鄉中。一壺天地廣。尚志吟示友人。

觀山當觀富士山。觀水當觀東海水。百舍寧辭跋涉  
勞。致遠應須自邇始。培塿潢汙過不顧。絕景偉觀吾  
所志。孟叟有言君記取。天下善士友善士。

秋夜

板屋雨聲過。蘆簾月光入。菟清不得眠。繞枕蟲音濕。  
十月望宴仙壺亭歸路作

霜風吹鬢亂。鬢髻正覺寒威夜。半增醉步踟踞履聲  
響。月光凝作滿街冰。

予在江戸預嚶鳴館至日宴者十九回矣今茲

已亥歸尾是日日南至想像盛會賦此寄呈舊

社友

嚶鳴館上酒如泉遙想佳辰會醉仙君若登臺瞻象  
緯一星移座在西天

元旦二首

咿喔雞號曉色新列松添綠擁城闈仰看樓上金鱗  
耀五彩卿雲捧日輪

五彩卿雲捧日輪天門奕奕瑞光新鶯歌梅笑人心  
暢開闢而來不變春

書牕聽鶯

早延童子授蒙求。呂望非熊誦不休。亦有春禽能學

得聲聲巧轉串珠喉。

方岳鶯詩能記蒙求中一句百般嬌姪可憐渠自注蓋俗以其

聲為呂望非熊

春夜聞笛懷東土故人

二十餘歲客江城。歸到家園憶舊盟。一罇落棊何處

所。故鄉翻起異鄉情。

出郊即目三首

艸襯芒鞋可緩行。春暉驟煖午天晴。蓋錐出水蛙鳴

細麥穗搖風蝶翅輕。

網罟野馬亂蒼天。近樹遙山總作烟。千頃菜花黃。五  
界香風吹面軟於綿。

老翁扶杖共相將。野寺方開講法場。如此昇平安樂  
世。勸人更使赴天堂。

千村君筵觀張平山畫山水引

上堂煙雲迷几席。仰見瀑泉懸峭壁。六月清風吹不  
休。自天飄墜千丈帛。上有熊蹲豹攫之層巒。下有猿  
挂蘿纏之老柏。矯頭觀瀑者誰子。長髯蕭颯拂苔石。

山定香鑪峰人猜李太白果然靈秀區著此文章伯  
吾今對茲喜欲顛朗吟謾和白也篇自怪塵凡骨未  
換勝遊乍結名山緣試向傍人借問之君家如何藏  
此竒人言卿且揩眼看箇是平山無聲詩

寄題聊菴詩

聊菴在泳里埵堂君嘗作其記余讀之想其  
勝乃據記中之語賦七言長篇以寄題云

東禪寺畔一團焦昔年結茅屬誰某屋角峰巒聳萬  
層門前粳稻亘千畝勝區無復龍象栖山徑蹊間塞

蓬莠風雨漂搖墟宇頽可惜多年拋擲久府君選勝  
愛其幽葺理爰與寺僧謀竭來丘壑開生面萬象森  
羅掌上收山村民樸訟獄少率尔乘興茲來游童子  
執杖從其後不須喝道與鳴騶牀上縹囊何所貯毛  
詩周易魯春秋展讀會心旋獨笑日夕忘歸更淹留  
蒲半吼罷經聲歇開戶前峰正吐月斯時淨界特淒  
寥斗覺清氣沁肌骨但憾座無佳友陪有酒與誰勸  
一杯陰風蕭颯生空谷楚然之音在草萊此間寧有  
過訪者傾耳審聽且相猜鬼邪狐邪將木客或似來

就或似回。異類有情可晤語。相見不必須良媒。月前  
舉手為相招。卿可共言來。來來。

酬田中厚德坤見贈依原韻

從來取友要多聞。藝圃親交幸得君。自有詩書供至  
樂。唯當富貴比浮雲。蘭生空谷誰紉佩。豹隱深山獨  
養文。下榻邀吾情特厚。不妨留款到宵分。

輓見田真堂尚之

天保十一年。太歲在庚子。維六月初九。真堂俄歿矣。  
聞訃忽驚歎。淚下沾書几。茫茫宇宙間。失我一知己。